



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1857

LXXXIII. Bischof Hieronymus von Brandenburg bestätigt Martin Wegner als
Altaristen des h. Berhardinus zu Wriezen, am 11. August 1516.

Nutzungsbedingungen

[urn:nbn:de:hbz:466:1-54734](https://nbn-resolving.org/urn:nbn:de:hbz:466:1-54734)

LXXXII. Kurfürst Joachim und Markgraf Albrecht bestätigen der Stadt Wriezen das Privilegium vom 2. Oktober 1423, am 14. April 1512.

Von gottes gnaden wir Joachim, des heiligen Romischen riechs Ertzkamerer, Churfürst, vnd Albrecht, gebruder, Marggrauen zu Brandenburg, zu Stettin, Pommern, der Cassuben vnd wenden Hertzogen, Burggrauen zu Nuremberg vnd fürsten zu Rüggen, Bekennen vnd thun kunth offentlich mit dissem briue vor vns, vnser erben vnd nachkommen Marggrauen zu Brandenburg vnd sunst vor Idermenniglich, als vnns vnser liebe getrewenn Burgermaister vnd Rathmannen vnser Stadt writzen an der Oder einen alten vorfigelten briue ethwan des hochgebornnen furstenn herrn frederichen, Marggrauen zu Brandenburg, des heiligen Romischen rykes ertzkamerer vnd Burggraff zu Nuremberg, seliger gedechtnus, angezaigt habèn, von wort zu wort also, wie hiernach folget, lautende: Wier fridrich, von gottes gnadenn Marggraue zu Brandenburg, des heiligen Romischen Reichs Ertzkamerer vnd Burggraff zu Nurembergh etc. (Inf. Urk. v. 2. October 1423) vnd vnns demütlich gebetenn, Iren solchen brieff zuernernewen, zu confirmiren vnd zu bestetigen. Das wir solchs ir vleyßig vnd demuthig bete auch gelegenheit vnser burger daselbs vnd ir getruwe dienst angesehen vnd solch briue In allen seinen puncten vnd articlen vernewet, confirmiret vnd bestetiget habenn, ok vernewen, Confirmiren vnd bestetigen denselben In allen seinen puncten vnd articulen In craft vnd macht dits briues, vnd wollen veltiglich, das damit nach meldunghe obgemelts briues zu ewighen tagen vngebrochentlich gehalten, nachgegangen vnd volg gethan werdt on ydermans widersprechen, einsag vnd verhinderung, getrewlich vnd vngewerlich. Zu urkunth mit vnsern marggrauen Joachim, kurfurstens, anhangenden insigell vursigelt vnd Geben zu Colln an der Sprew, mithwochs In ostern, Nach der geburt cristi Im funffzehnhundertenn vnd Zwelfften Jare.

Nach dem Original im Besiß der Stadt Wriezen.

LXXXIII. Bischof Hieronymus von Brandenburg bestätigt Martin Wegner als Altaristen des h. Bernhartinus zu Wriezen, am 11. August 1516.

Hieronymus, dei gratia Episcopus Brandenburgensis. Ad altare Sancti Bernardini, in Ecclesia parochiali oppidi Writzen nostre diocesis situatum, per obitum honorabilis domini Valentini Wentlandes, eiusdem vltimi et nouissimi possessoris vacantem, discretum Martinum Wegener, nostre diocesis clericum, per prouidos proconsules et consules oppidi prelibati Writzen, ad quos juspatronatus siue aliquem presentandi ad dictum altare pleno jure pertinere dinoscitur, nobis rite et legitime presentatum, de idoneitate sua plurimum confisi, instituendum ac inuestiendum duximus etc. Datum Sziefar, A. d. XV^e decimo sexto, die Lune, vndecima mensis Augusti, nostri vicariatus sigillo presentibus in fidem et testimonium appenso.

Joachim Cassel Notarius ad premissa requisitus subscripsit.

Nach dem Original im Besiß der Stadt Wriezen.